

مسئولیت و حقوق وکلا حقنده بر ملاحظه

هر پرده وکلا به بر مسئولیت تحمیل اولندینی کی زدهده قانون اساسی احکامینجه وکلای دولت مأموریتلرینه متعلق احوال و اجرا آتدن مسؤولدر. انجیق مسئولیتک مقابلی حقوق اولمسنه نظراً وکلا حائز حقوق اولمدقجه مسئولیت تعبیرینک بر لفظ بی معنا قاله جفی بدیهیدر. دوائر دولت باشنده بولان ذواتک اکثری فعال، ذکی و معلوماتی اولدقلری قابل انکار دکلدر. بو بویه ایکن اجرا آتیرنده، امور ادارینی سکتهدار ایده جک صورتده بطاقت کورلسنک سببی نهدر؟ بوسبب، وکلانک عهده لرینه مرتب مسئولیتی وانک لوازمندن بولان حقوقی لایقیله تعهد و محافظه ایتمیوب اسکی بر عادت و قاعدهیه تبعاً هر ایش ایچون مقام صدارته مراجعت ایلملرنده ارامق لازم کلور. بنابرین ممالک سائرده مسئولیت و حقوق وکلانک صورت تلقیمی و رئیس وکلا ایله وکلای سائره بیننده کی مناسبانجه جاری اولان قواعد حقنده براییکی سوز سویلیه جکر: وکلا به ترتب ایدن مسئولیت بری ذاتی و دیگری مشترک اولوق اوزره ایکی درلودر. اگر موجب مسئولیت اولان فعل وکلادن یالکر بری طرفندن اجرا ایدلمش ایسه مسئولیت یالکر آکا منحصر قالور. بالعکس اوفعل مجلس وکلاجه ویریلان برقرار نتیجه سی ایسه مسئولیت تکمیل هیئت وکلا به تشمیل ایدیلور.

رئیس وکلا، وکلای سائره بی انتخاب ایشدیکی جهته دولتک سیاسیات عمومیه سنه تعلق ایدن خصوصاتده وکلانک اجرا آتنه نظارت ایتک حققی حائز ایسهده وکلانک کندو مأموریتلرینه متعلق اجرا آتیرینه پکده مداخله ایده مز. ایتدیکی تقدیرده وکلانک حقوق و صلاحیتنه تجاوز ایتش اوله جفندن کندیسيله انلر بیننده هر کون بر اختلافی تحدث ایدرک چرخ اداره دوجار تعطیل و امور دولت مختل اولور.

وکلادن هر بری دولتک سیاسیات عمومیه سنه متفرع امور و خصوصیات

مستثناً ابرق ارزره کندوداژره سنده مناسب کوردیکی اجرا آته تشبث ایتدیکیکی بی مرکز و طشره مأموریتلرینه ده مناسبلرینی انتخاب و ریاست وکلا مقامنک رأی و توسطه مراجعت ایتمکسزین تصدیق مأموریتلرینی طوغریدن طوغرییه حکمداردن استحصال ایدر و بالکز برسقارت و یابر ولایت کبی بیوک مأموریتلره برینک تعیننی حکمدارک تصویب و تصدیقنه عرض ایتزدن اول مجلس وکلاده شفاهاً رئیس وکلایه معلومات ویرمکه اکتفا ایلر .

ایشته بونک ایچوندرکه رئیس وکلایه ایش قالمیدیفندن اکثریا بونلر برده نظارت درعهده ایدرلر .

بزده ایسه اصول مشروطیت و انک جمله مقتضیاتندن بولنان مسؤلیت وکلا اعاده ایدلدیکی حالده وکلایه، مسؤلیتک ضمننده کی حقوق و صلاحیتلرینی یا تقدیر ایتدکلرندن و یا خود هر مسؤلیتی مقام صدارته تحمیل ایتک ایستدکلرندن طولانی هرایش ایچون مقام مذکوره مراجعت ایدیورلر .

بونک نتیجه سنده ایسه بالکز دولتک سیاسیات عمومیه سیله اشتغال ایتمی لازم کلان مسند صدارت هر نظارتک تفرعات اموری ایچنده بوغولیور و روح مشروطیه مغایر اوله رق هر نظارتک کافه اجرا آتیه رأی ویرمک صلاحیتی اکتساب ایتک کبی حکومت مستبدانه خرواصندن اولان براصوله تبعیت ایتش اولیور .

بناء علیه مادامکه هیئت وکلانک سیاسیات عمومیه دولت حقنده کی مسلیکی مجلس وکلایه تعین ایتمشدر . شو حالده وکلانک بوداژه داخلده ایقای وظیفه ایتلری ایجاب ایدرکه الیوم مشهور اولان بطاوت مبدل فمالیت اولسون !